

## ChaCha itutulak ni Gloria -- Ermita

Thursday, 03 December 2009

Last Updated Thursday, 03 December 2009

“Paglalaruan na naman ni PGMA ang proseso ng lehislatura para lang ma-kabalik siya sa kapangyarihan sa pamamagitan ng ibang daan? ‘Yan ang tanong na dapat katakutan ng bayan,” anang kongresista [Rep. Joel Villanueva].

Ippursige ni Pangulong Gloria Macapagal-Arroyo ang isyu ng Charter change (ChaCha) sa oras na maupo ito bilang miyembro ng Kamara.

Ito ang paniniwala ni Executive Secretary Eduardo Ermita sabay giit sa kumpiyansa na mananatiling maimpluwensya si Pangulong Arroyo sa mga miyembro ng Mababang Kapulungan ng Kongreso dahil na rin sa pagiging Pangulo nito ng bansa sa loob ng siyam na taon.

Nang matanong kung sapat ang magiging impluwensya sa pagsusulong ng ChaCha, sinabi ni Ermita na, “On anything, considering also na malaki ang ally namin sa Congress, Lakas-Kampi-CMD so you can be sure of that, that if she should conti-nue and she is elected, definitely, she will have a clout among the congressmen.”

Dugtong pa ni Ermita, malinaw naman na isa ang ChaCha sa prayoridad noon ni Pangulong Arroyo at ilang-beses pa na binigyan nang halaga sa kanyang mga nakaraang State of the Nation Address (SONA) dahil na rin sa paniniwala nang marami na napapanahon na upang iretoke ang Saligang Batas.

Gayunpaman, bigla rin itong kumambyo at nilinaw sa media na hindi niya alam ang plano ng Pa-ngulo sakaling makaupo sa Kongreso.

Isa namang solusyong nakikita ni Sen. Francis ‘Chiz’ Escudero ay kaila-ngang lalong tumatag ang anti-ChaCha proponents sa Kamara at Senado oras na makapasok ang Pangulo sa pagka-kongresista dahil ito lamang ang tanging hadlang sa muling pagka-big nito sa pinakamataas na puwesto sa bansa.

“...The prospect of her becoming Prime Minister in case of ChaCha seems more real than fiction. That’s the best argument not to do ChaCha,” diin ni Escudero.

Binakbakan din ni Cibac partylist Rep. Joel Villanueva ang para sa kanya’y napipinto uma-nong pambababoy ni Arroyo sa Kongreso.

“Paglalaruan na naman ni PGMA ang proseso ng lehislatura para lang ma-kabalik siya sa kapangyarihan sa pamamagitan ng ibang daan? ‘Yan ang tanong na dapat katakutan ng bayan,” anang kongresista.

SOURCE: ABANTE (Rose Miranda/Boyet Jadulco/Bernard Taguinod) Thursday December 3, 2009